

Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum,
quàm recentiorum placitis complectentia. Opus methodo novâ, & clarâ in
tres digestum Partes ... accuratè, ac copiosè instructae

De Provisione Et Obtentione Beneficiariorvm

Leuren, Peter

Coloniæ Agrippinæ, 1704

Paragraphvs VIII. De altera regulæ 8. parte, hoc est, de alternativa
concessa Episcopis.

[urn:nbn:de:hbz:466:1-74485](#)

ralibus, & Magistralibus Cathedralium Hispaniz, dictum est supra ex Garc. n. 679. & seq. quia nimurum ha Bullz sunt per modum statuti & legis.

2. Addit insuper Castrop. sub haec derogatione privilegiorum & indultorum non comprehendendi privilegia concessa disponendi de beneficiis, ac si vere jure fundacionis dispositio competeteret; eo quod, cum iuspl. ex fundatione competens hac regulâ non derogeretur, etiam non derogeretur privilegium illius naturam induens & sequens. Idem ait de privilegiis pro limitato tempore concessis iuxta dicta supra; eo quod hæc reputentur gratia inodi præjudicij. Denique efficacia verborum illorum: cum derogatoriarum derogatoriis, & insolitus clausulis, quæ ad maiorem reservationis firmitatem adjecta, vide Gonz. à gl. 35. & seq.

PARAGRAPHVS VIII.

De altera Regulæ 8. parte, hoc est, de alternativa concessa Episcopis.

Questio 566. Quæ, seu qualis sit hæc gratia alternativa?

R Espondeo cum Ordinariis, seclusa hac gratiâ, solum reliqui essent liberi mensis 4. nimurum Martius, Junius, September, December per hanc gratiam conceduntur 6. menses, in quibus de beneficiis in iisdem vacantibus, & alijs non reservatis, liberè providere possint, & sic quod ad mensis cum Papa alternant. Unde vides per dictam alternativam concedi ex mensibus alijs Apostolicis Februarium, Aprilium, Augustum, Octobrem; & econtra à Papa ad se avocari Martium & Septembrem, qui alijs seclusa hac alternativâ erant, & sunt menses Ordinarii. Castrop. loc. cit. p. 23. §. 1. n. 2. cum communi.

Questio 567. An gratia alternativa tollat reservationem illam in prima parte regula de 8. mensibus?

R Espondeo negativè, sed illâ persistente aperit viam Ordinario providendi de reservatis per illam priorem partem sub conditione residendi, quâ conditione seu residentiâ cessante, cessat alternativa, & intrat reservatio prior. Castrop. loc. cit. citans Barb. de pot. Epis. alleg. 53. n. 50. & Cassad. decis. 8. n. 10. de prob. Lott. l. 2. q. 40. n. 66. dicens hanc sententiam probat Rota in Ovetensi beneficio. 30. Julii 1610. & in Trid. Canonicius. II. April. 1570. Et nisi sic dicatur, Papa non jure reservacionis, sed jure devolutionis provideret tunc ista beneficia, Episcopo non residente, vel etiam negligente illa provideret, quod admittendum non est. Castrop. loc. cit. Lott. loc. cit. n. 68. ubi etiam probat, id ex stylo Cancellariae, quæ tunc non dat litteras tanquam de devoluto, sed de reservato in vim primæ partis regulae. Sed neque his obstat, quod per alternativâ concessionem videatur facta quædam permutatio mensium inter Papam & Ordinarium, & quosdam effectos ordinarios, qui per reservationem alijs erant Apostolici, ut dictum quasi præced. id eni. per Catachresin, & non propriè dici, ait Lott. ibid. n. 67.

Questio 568. Num Iunius, & December, in quibus non fit aliqua permutatio cum Papa; quique tam in generali reservatione, siue in prima parte regule, quam in alternativa, seu secunda parte, relinquuntur seu assignantur Ordinariis, & ea de causa menses fixi dicuntur, censeantur concessi in gratiam alternativæ sub eadem conditione, nempe residentia, sub qua in illa conceduntur reliqui 4. menses Februarius, Aprilis &c.

I R Esponder negativè Garc. nu. 506. dicens, sic communè conuenit & praxi receptum. Castrop. loc. cit. citans Barb. de pot. Ep. alleg. 23. nu. 44. Pirk. de prob. num. 356. volvuntque non concedi hos duos menses in alternativâ, tametsi ibi exprimantur una cum alijs 4. Februario, Aprili &c. per accidens, & tantum demonstrationis gratiâ, non vero gratiâ novæ concessionis; adeoque nec illis impositam conditionem, seu onus residendi, utpote quod onus annexum illis solum mensibus, quidem novo per alternativam conceduntur, non vero illis, qui jure ordinario competebant. Idem teneat videtur Card. de Luca de benef. d. 18. num. 8. dum ait: Papa Ordinario ob residentiam concedit 2. ex Apostolicis, aded ut ex 4. alijs concessis is jam obtineat 6. Econtra in casu non residentia amittat 2. ex his 4. sibi remanentibus Junio & Decembri. Eâ docuntur ratione hi Auctores, ut Castrop. quod alternativa solum removeat obstaculum reservationis inducta per primam partem hujus regulae, ut traducit Cassad. decis. 8. num. 6. & 10. de prob. & Gonz. gl. 42. num. 13. apud Castrop. quod ad illos autem duos menses nunquam int̄lārit reservatio. Unde jam rectè inferat hi Auctores & Castrop. & Pirk. exp̄s̄se, Ordinarium, sive residentiæ non posse providerere beneficia vacanta mensibus Junii & Decembri; quia non provideret vi alternativâ, sed ex jure ordinario per alternativam non derogato. Quia licet dicti 2. menses costruant simul alijs quatuor alternativam. Quin & diceretur illis quibz annexum onus residendi, adeoque non posse Ordinarium vacanta in illis beneficia conferre vi præcisè alternativâ formaliter ratiis, quin resideat; cum tamen non teneatur uti gratiâ alternativâ, etiam dum eam acceptavit, sed possit uti facultate sibi à jure concessâ, poterit adhuc conferre beneficia in his binis mensibus, quin resideat, ita Castrop. loc. cit. num. 4. quod ipsum, ut viæbimus, omnino negat Lott.

2. Respondet econtra affirmativè. Gonz. Glos. 43. n. 116. apud Castrop. loc. cit. n. 3. eo quod in regula sub eadem clausula tenor è verbo, quo Februario, Aprilis, Augustus, October, conceduntur: & nisi sic parti modo in gratiâ alternativâ concederentur, ut quid ibi cum alijs mensibus alternativâ exprimuntur? quæ sententia h̄i vera, non videtur posse Ordinarius beneficia illis 2. mensibus vacanta providerere, nisi verè & personaliter resideat, non secus, ac non nisi sub haec conditione provideret potest vacanta in Februario. Hanc Gonz. sententiam acriter tenet, & valide Garciam refutat Lott. l. 2. q. 41. num. 38. dum ait: ad hoc, quod Garcias dicit, sententiana suam sensu communis & praxi receptam; nisi referatur ab eo ad sensum communem & praxin extra Curiam, omnino falsum esse, dum id haecenus in Curia observatum non sit, ac propterera non habendum in considerati-

sideratione sensum illum communem & praxiu^m, cū Curia Rom. in interpretandis legib^m, præcipiū canonis, non sequatur sensum & stylum Judicium de partibus, sed potius illis indicat ex proprio sensu & stylo, quæ sit vera interpretatio. Proinde levissimam esse in hac re opinionem Garc. loquens sine lege & auctoritate. Ad illud verò, quod Garcias ait, duos illos menses solum demonstrationis gratiā unā cum reliquis exprimi, Responderet, esse nimis frigidum & enerve; uti nullatenus attingens rhombum difficultatis, qui non stat in simplice mensum designatione, sed in qualitate jugis residentiæ singulis adjecta, nec quicquam esse, quin Episcopus potuerit horum duorum mensum naturam, accedente hac novâ qualitate immutare absque explicita declaratione solum implicitè, seu ex implicita rei natura subjicendo videlicet se obligationi residenti in suis mensibus alternati, sicut enim habens bona allodialia & libera, & nihilominus eadem recognoscendo à Domino feudi tanquam feudalia, censetur ipsa bona domino dedita, & brevi manu utile dominium jure feudi ab ipso recepisse; ut Rosental. de feudi c. 6. conclus. 68. num. 17. Sic Episcopus acceptando alternativam sub hac lege residentiæ, cui prius non erat subjectus, hos duos menses unā cum aliis in manibus Papæ liberè posuisse, & rursus brevi manu eosdem cum aliis 4. ita qualificatos, & onere residentia affectos recepisse. Unde sit, ut non satisfaciat regula, si velit uti alternativam, & non residere, ex quo illud accidentis residentiæ determinat, ac certam reddit obligationem, nec propterea patitur, ut Episcopus divertat ad id, quod sibi prius erat licitum in genere. Atque ex his concludit Lott. num. 38. volens utramque sententiam conciliare; Episcopum non residentem in dictis 2. mensibus valide adhuc conferre beneficium in iis vacans ex suppositione taciti recessus ab alternativa; invalidè verò, persistente in integritate sux alternativam.

Questio 569. Quandonam ceperit alternativa usus, & à quibus concessa?

Respondeo: cepile usum illius à Nicol. V. circa annum 1447. tradit Corrad. in pr. benef. l. 3. c. 6. num. 8. ex Bursat. l. 2. conf. 126. num. 102. verum, ut addit Corrad. Nicolaus Ordinarii concessit non nisi menses 4. Martium, Junium, Septembrem, Decembrem, postmodum verò ab ejus successoribus concepsa pro 6. mensibus. Et quamvis id generaliter non fuerit indultum Episcopis, nisi sub Leone X. Anno 1514. ut Burs. loc. cit. consuevit tamen etiam prius specialiter indulgeri. Lott. l. 2. q. 37. num. 11. & 12. citans Felin. in C. cū ex officij. de rescrip. num 36. & Sot. glossatorem.

2. Ubi illud notandum, olim ilam concedi solitam ad supplicationem manu Papæ signatum, uti fieri solet in concessione aliarum gratiarum, & sic super ipsa supplicatione postmodum litera sub plumbo expediebantur juxta stylum dataria & Cancellaria Apostolica. Unde dum in decisionibus quibusdam dicitur, alternativam non suffragari Episcopo ante expeditionem literarum, & hinc collationem factam in mente reservato ante dictam expeditionem non valere, id referendū ad tempora antiqua, ubi ea gratia dicto modo per Brevia particularia induita, ad gaudendum eā concedebatur. Hodie autem alternativa concedatur per hanc

ipsam regulam Cancell, nullaque requiritur expeditio literarum, sed sufficit, quod illa acceptetur per literas patentes recognoscendas per Datariam, servata formā hujus regulæ. Corrad. loc. cit. n. 7.

Questio 570. Quibus hæc gratia alternativa concessa?

Respondeo concedi eam solis Parriarchis, Episcopis, Archiepiscopis; quia ipsi tantum exprimuntur in regula sub dictione terminativa dabantur, utpote relata, ut Castrop. loc. cit. num. 16 non solum ad residentiam, sed potius ad personas, quibus gratia hec sub onere refidendi conceditur. Et quia hæc gratia non conceditur nisi solum pro beneficiis, quae sunt de libera collatione Episcopi, Castrop. loc. cit. Garc. p. 5. c. 1. num. 63. Corrad. loc. cit. nu. 13. Quin &, ut Card. de Luca de benef. d. 93. nu. 13. patet ex ipsa ratione, quæ fuit causa concessionis alternativæ: invitandi nimurum Episcopos ad residentiam, quæ ratio non adeo in prælatis inferioribus desideratur, neque Capitulis congruit. Hinc

2. Extendenda hæc gratia non est, seu locum non habet in inferioribus Episcopo Collatoribus, qui habent ex privilegio vel consuetudine jus conferendi (quidquid servatum in hoc fuerit antiquibus, quando etiam inferioribus Collatoribus concedebatur, ut Corrad. loc. cit. n. 13. & 14. citans Par. decis. 88. l. 1. quod ipsum tamen etiam negat Garc. nu. 473, nisi forte, ut Lott. l. 2. q. 41. nu. 120. speciali super hoc privilegio donati sint. Auctores si dem cum Gonz. gl. 42. à num. 1. contra Zerolam, quem tamen Garc. loc. cit. aliud non voluisse ait, quām quod resignatio 8. Mensum habeat locum in inferioribus etiam Collatoribus

3. Sic in specie non competit Capitulo, etiam Cathedrali habente per se collationem. Garc. num. 684. citans seipsum nu. 473. Gonz. ubi ante, nu. 2. & trias Rotæ decis. Neque Capitulo Sede vacante. Chok. hic. gl. 15. n. 2. Castrop. cit. n. 1. Garc. n. 683. citans Rotam in Segob. Canoniciatis. 24. Nov. 1588. Neque Capitulo habenti simultaneam cum Episcopo collationem (quidquid enim de hoc fuerit antiquitus, quando, ut Garc. cit. num. 473. & 471. alternativa concedebatur Episcopis, & quia favoarabilis, comprehendebat beneficia simultaneæ collationis facienda à Capitulo unā cum Episcopo, adēque Capitulum ex beneficio Episcopi utipotest alternativam) id ramen hodie non procedit. Ita ut nequidem in illo casu alternativa suffragetur Episcopo, quia alternativa restringitur perilla regula verba: *Ad liberam ipsorum dantur, non autem aliorum cum iis dispositionem*: ad beneficia spectantia ad liberam solorum Episcoporum collationem. Garc. cit. num. 473. Lott. l. 2. q. 49. num. 120. Quid autem sit, dum menses isti 6. alternativa ex concordia divisi sunt inter Episcopum & Capitulum, an Capitulum in Turno suo uti possit alternativam, vide de hoc dicenda paulo post, ubi, ad qua beneficia se extendat alternativa. Vide etiam interea Garc. num. 472. 707. & seq. Lott. l. 2. q. 26. Castrop. p. 23. §. 2.

Questio 571. Quanam sit mens & ratio hujus regule quoad concessionem alternativæ?

Respondeo primum: huic questioni satisfieri paſſim putatur dicendo, Papam non interdiſſi

disse aliud, quām hoc singulari beneficio alicere Episcopos ad residendum in suis Ecclesiis seu Dicibus. Verum cum hac duo mens & ratio in praesenti valde diversum quid sint; mens, siquidem legislatoris nihil significat, quām simplicem legislatoris voluntateam, prout resultat ex simplici, & nuda verborum structura, five eti ipsa dictum legis; ratio autem significat causam, propter quam legislator ita cavit, five est causa dicti legis. Lott. cit. nu. 40. à nu. 3. hinc

2. Respondeo secundū magis enucleatē, mentem hujus regulā in hac parte fuisse, favere Episcopis, id enim clarē & explicitē verba sonant. Lott. num. 8. ratio verò hujus regulā est bonum publicum. Hoc tamen bonum publicum in hoc simplici favore factō Episcopis contra primam regulā hujus partem minime considerari potest, sed potius oppositum. Lott. num. 9. cū ista secunda pars regulā sit nociva potius reip, utpote cui magis expedīt beneficia provideri per Papam quam inferiores. Lott. num. 33. & fūsus l. 2. q. 36. num. 16. Sed neque hoc bonum publicum, seu ratio hujus secunda pars regulā statui potest in allocatione Episcorum ad residendum; nam tametsi maior bonum sit residentia Episcorum, quām quod beneficia per Papam provideantur; hæc tamen residentia, cūm non sit in libertate Episcorum, sed eam jam antecedenter præcepto divino teneantur, ut constat ex Trid. ieff. 23. c. 1. D. Tho. 2. 2. q. 185. a. 5. & T. possintq; proinde ad eam cogi, absque eō, quod necesse sit illos ad eam impensius præstandam invirari dicto beneficio; hinc inquam, evincitur, residentiam in ratione hujus regulā spectatam diversam esse ab eā, ad quam Episcopi de jure tenentur. Lott. 2. nu. 34. cūm illa ita jugis non sit, quin liceat abesse aliquando vel ad modicum tempus, præcipuè ex justa causa, iuxta c. presentiam. 7. q. 1. adeō, ut verbum residentia non amare, sed civili modo intelligendum veniat, sive licet atque pastori, ubi subditorum saluti sufficienter in absentia pastoris provideri potest, ob ipsius Ecclesia commodum, aut periculum personæ à grege abesse. Lott. num. 36. & 37. citans D. Tho. ubi ante, atque ita, cūm adhuc relinquatur aperta via prætendendi causas justæ absentia (præfertim ubi ex modicite temporis earum æquitas conscientiæ Episcoporum remittit) semper later occasio foventi, si quis inharet animo, spiritum evagandi, ut ait Lott. num. 39. Econtra verò hac residentia, quam exigit regula, debet esse jugis, neque per momentum intercepta; quod ipsum præferunt verbare regula: ip̄is, quādū apud Ecclesiis aut Diœceses suas verè a personaliter referent: atque ita per eam spiritus sive evagandi penitus excludatur, cūm penitus excludat facultatem illam te absentia ad tempus permisum alijs ex causa legitima; quod olim erat mensum duorum (dum, ut patet, si Episcopus, quiv. g. recessit ab Ecclesia sua in Martio, si velit frui gratiâ alternativâ in mense Aprili, tenetur ibi sive presens ab initio ipsius Aprilis, impossibile est durante usu hujus alternativâ, ut absit ultra mensem. Lott. num. 42.) sequitur, in hac residentia strictiore, ad quam de jure non tenentur Episcopi, rationem hujus regulā constituendam esse. Lott. num. 38. Hinc circa hanc rationem seu unicam conditionem, sub qua & non aliter conceditur Episcopis hæc alternativa.

**

Questio 572. Qualis igitur esse debeat hac residentia, ut regula satisfiat?

1. Respondeo: primò hanc residentiam debere esse veram personalem; cūm regula dicat: quādū fecerint residentiam verè & personaliter. Proinde eti residentia facta (qualis est, cūm Episcopus abest ex justa causa, v. g. in causa Ecclesiæ vel Reip. vel etiam in concilio generali aut provinciali, vel in negotio aliquo ex mandato & commissione Papæ, quia licet reverā absit, tamen ex tali causa censetur esse præsens iuxta C. ad audientiam, de Clericis non resīd. & c. unico tit. cod. in 6. Garc. p. 5. c. 1. num. 466. Chok. hic gl. 15. num. 3.) quoniam, dum in alternativâ Pii V. Sixti V. Greg. XIII. non aderat verbum verè, sufficeret. Chok. loc. cit. Jam tamen à tempore Sixti V. à quo illud rō verè ac personaliter additum, residentia talis facta non sufficit; cūm dicta verba non nisi ad excludendam residentiam factam & interpretativam addita videantur. Auctores iidem l. cit. Gonz. gl. 43. à num. 1. Corrad. l. 3. c. 6. num. 42. contra Leon. in Thes. fori Eccl. p. 2. c. 2. n. 9. & Paris. de resign. l. 1. q. 10. n. 85. quem tamen loqui de tempore & alternativa Sixti V. ait Garc. nu. 467. ubi etiam Gonz. addit, quod fac. Congreg. que alias 9. Iulij 1573. attentā nimis alternativâ Pii V. aut ad summum Greg. XIII. declarat contrarium, modò sic sentiat. Et quod, dum Episcopus quidam Hispaniæ pro exercitio sui officii Inquisitoris generalis absens à sua Diœcesi supplicat Clementi VIII. pro obtinendo indulx speciali, ad gaudendum in hac absentia alternativâ, nunquam illud indulx obtinere potuerit, quamvis ante bene concedebatur istiusmodi indulx. Unde jam sequitur, Episcopum absensem ex justissima causa, & ad modicum tempus, quādū abest, frui non posse alternativâ in beneficiis, de tempore talis absentia vacantibus, adeō que ea Papæ reservata esse. Auctores ibid. & nominationem Chok. Quin imò videtur procedere idipsum, etiamsi timore mortis vel violentiæ impeditus à suā Ecclesia abfuerit; quia in isto casu adhuc verè abest, & alternativa non conceditur, quādū verè abfuerit. Esto igitur impossibilis ei sit residentia, hoc ipsum sufficit, quod minus alternativâ non nisi sub hac conditione verè residentia concessâ fruatur. Castrop. cit. p. 23. §. 2. num. 3. Garc. num. 469. contra Gonz. cit. gl. 43. q. 9. num. 200. Quibus qualiter non obster Clem. 1. de foro, comp. vide apud eundem Castrop.

2. Respondeo secundo, debere esse actualem protunc, quando beneficium vacat, ita ut pro tunc absens, etiamsi reliqua parte mensis resedisset, non posset conferre vi alternativa beneficium; eō quod solum pro tempore verè & personalis residentie concedatur alternativa. Garc. num. 697. Castrop. loc. cit. num. 2. cum communī.

3. Porro notandum hic, olim tempore secundæ alternativâ Pii V. editâ anno 1570. in qua concedebatur alternativa Episcopis residentibus iuxta Trid. dispositionem, quod Episcopis permittit abesse per 3. menses, Episcopi in 3. illis mensibus gaudenter alternativâ, possentque conferre beneficia in iis vacantia, etiamsi abessent. Corrad. l. 3. c. 6. nu. 41. Garc. loc. cit. nu. 461. iuxta decisi. Rotæ in Salmant. fructuum Archidia. 20. Jun. 1586. Econtra, si ultra dictos 3. menses abfuiscent, non poterant pro illo anno gaudere alternativâ, ac ita nequidem conferre beneficia vacantia tunc cūm a dū

verè residabant, cùm jam pro illo anno defecisset conditio requisita ad fruendum alternativā, nimirum residentia 9. mensium. Grac. num. 464. Unde dum Rota tenuit contrarium in una Salman. Canoniciatū. Junij 1572. nimirum quòd Episcopus absens 3. mensibus sibi permisit recreationis causā, animo redeundi, non gaudebat alternativā, id intelligendum de tempore primā alternativā Pii V. utpote in qua exigebatur residentia, non secundum dispositionem Trid. sed simpliciter.

4. De ceterò num Episcopus habens alternativam absens à sua Diocesi, possit nihilominus prudere vacantia beneficia in Martio & Septembri, controversum est inter Auctores. Affirmat germon. de induito Cardin. §. volumus nu. 18. apud Garc. num. 688. item Leo. in thes. fori Eccles. c. 16. nu. 4. apud Castrop. loc. cit. num. 5. his adhæret garc. loc. cit. citans pro hoc Rot. in Sulmon. Canoniciatū. 4. Martij 1583. nisi quòd limitet id Garc. dum nu. 689. dicit, id procedere, nisi Episcopus gavisus fuisset mente alternativa præcedenti, v.g. Februario, ne vel sic gaudere posset 2. mensibus consequenter. Fundamentum hujus sententiae est, quòd cessante ob non residentiam alternativā, intret reservatoria 8. mensium, in qua Martius & September reservati non sunt. Verum id probabilius negant Mand. cons. 18. num. 8. & 9. apud Garc. num. 687. Castrop. loc. cit. nu. 4. citans pro hoc Ricc. in pr. fori Eccles. de cī. 684. in prima editione, & in secunda edit. resol. 1582. nu. 2. Barb. depot. Ep. p. 3. alleg. 53. num. 36. &c. cōd. quòd, licet dicti mensis seclusa alternativā competant Ordinario (in quo casu opus etiam non est residentia), utpote quam non requirit regula reservatoria 8. mensium, nisi ad summum juxta dispositionem Trid. quāvis etiam, dum Episcopus absque legitima causa abest ultra 3. menses, possit adhuc juxta Garc. num. 691. conferre vi dicta regulæ reservatoria 8. mensium beneficia vacantia in 4. istis mensibus per eam non reservatis; cùm ista collatio beneficiorum computanda non sit inter fructus beneficiorum, quos solum ex dispositione Trid. amittit ultra tres menses absens, ut hæc ipsa Tridentini dispositio, utpote prænōsa extendenda non sit) acceptata tamē alternativā, si sint Pontificis, neque sit in potestate Episcopi alternativam acceptatam dimittere: & certè defraudaretur alias Papa, dum Episcopus conferre posset beneficium in Februario vi alternativā, & in Martio vi subintrantis regulæ reservatoria 8. mensium.

5. Respondeo tertio: an requiratur residentia integræ mensis, ita ut præterquam, quòd resideat, seu præsens fuerit ista die vel horâ, quando vacavit beneficium, requiratur insuper, ut in præterita parte istius mensis resederit, & reliquæ ejusdem parte præsens futurus sit, non convenienti Auctores. Garc. num. 695. & 697. citans pro se Gonz. gl. 43. ex nu. 136. & dicens in hoc inclinare Sarmiento l. 6. seleç. c. 18. nu. 9. Castrop. loc. cit. num. 6. negativam tenent, docēntque, non esse habendam rationem mensis integræ, sed tantum temporis, quo intra illum vacat beneficium, ita ut, si variatio contingat in mense Episcopi post acceptatam alternativam, Episcopo residente, si possit beneficium illud conferre, etiam si ante dictam vacationem in eo mense Episcopus per dies aliquot absens fuit, vel etiam si alternativa prius post inchoatum jam mensem illum suum acceptasset. v.g. tertia Februario; si quod, ut ex Gonz. Garc. num. 697. usus alternativā concessus sit, quādiu resederit; dictio autem

quādiu, cùm mensis sit divisibilis in dies, & hi in horas, non tam apposita sit mensi integrali, quām singulis ejus diebus, vel etiam horis; cùm qualitas adjuncta verbo vacationis debeat regulari secundum tempus verbi; adeoque aliud nihil considerandum sit, quām tempus vacationis, & qualitas residentia de illo tempore. Et ne, si necessaria est integra residentia totius mensis, illud sequetur inconveniens, quòd Episcopus, dum refedit omnibus diebus mensis, contulissetque beneficia omnia interea vacantia, & post legitimè factas has provisiones abeser, dein in sola ultima die mensis ejusdem, haec provisiones facta de tempore habili corruerent: vel certè, quòd dictæ collationes omnes fuissent conditionales, videlicet sub hac conditione; si Episcopus integrum residentiam totius mensis continuasset. Quibus accedit, quòd confessio alternativā sit favorabilis, & beneficium principis, ac propterea amplianda potius quā restringenda; cùm beneficium Principis contra concedentem sit latissimè interpretandum juxta l. 3. f. de constitut. principi. Gonz. loc. cit. apud Garc. nu. 697. Sed neque his obstat dicunt hi Auctores de cī. Rota in una Faventina Canoniciatū. 16. Decemb. 1583. adverbium illud quādiu, non ad dies mensis, sed ad mensem integrum referens; cùm loquatur de mense Septembri, qui stante alternativā integratly reservatus est. Castrop. cit. num. 6. Garc. num. 696.

6. Affirmativam tenet Germon. de induit. Card. apud Garc. nu. 693. Card. de Luca. benef. d. 19. n. 5. ubi tradit, quòd, dum alternativā acceptatio facta in mense alias ordinario, v.g. Februario jam ceptio, hic non definit esse Apostolicus; sed in sua natura seu statu, quem statim à primo instanti, nisi obstat alternativā jam accepta, assumit, ad finem perseveret, citatique pro hoc Barb. de Canonicis & dignit. c. 14. num. 24. & de pot. Ep. alleg. 35. num. 30. Idem tradit num. 8. ubi, quòd mensis alias ordinarii ob non residentiam Episcopi habentis jam alternativam, effectus Apostolicus talis perseveret, ut licet mense jam ceptio sine residentia, Episcopus rediret ad residentiam, ad eū sitque tempore, quo vacaret beneficium, hæc residentia ei non suffragaretur. Idque, etiam si causa iustissima pro ipius Sedis Apostolica vel Christianæ Reip. servitio absenseret, citat pro hoc Rot. in Calvensi parochialis. 23. Jun. 1642. Idem tradit d. 93. num. 16. & exprefsius num. 18. Tenet quoque hanc affirmativam Lott. l. 2. q. 40. à num. 54. dum ait: ed ipso, quòd Papa concessit alternativam in certis mensibus, quolibet eorum designato per nomen ei proprium, unumquemque ab eo contemplari seu spectari, prout est constitutus unus corporis integralis, nihilque obstat, quòd minus id quod natura suâ dividuum est, constitutatur individuum ex voluntate disponentis. Ac proinde, cùm absurdum sit, ut ait num. 56. rem unam eandemque diverso jure censerit, mensem prout individuus est, censerit non posse partim Apostolicum, partim ordinarium. Addit etiam num. 58. residentiam, non quidem simplicem, sed qualificatam, hoc est, debitam omnino ex pacto inito intet Papam & Episcopum acceptantem alternativam, qua residentia ex pacto, ut ait num. 61. in hoc meliorem esse residentiā simpliciter tali; quòd facere aliquid ex voluntate firmata in bonum sit melius, pertinetaque ad perfectiū virtutis, ut constat in voto. Atque ex his, sive ex hoc utroque simul sumpto, nimirum ex eo, quòd Papa contemplatur mensis

mensis singulos, ut totum integrum, quod totum recipiat efficientiam suam a continuo, & praecipue tam ex eo, quod residentia tali modo qualificata requiratur, concludit n. 59 quod, si Episcopus alternativam recipiat non tantum post aliquot dies mensis elapsos, sed etiam statim ab initio mensis, non possit ei illa suffragari respectu illius mensis, sed quod, etiamsi tunc residet per rotum illum mensam, non tamen dicatur per totum resedisse ex parte. Unde nec Episcopus obligetur illo mense, in quo, vel etiam, sub cuius initium acceptavit alternativam, residere; cum obligatio hac non referatur nisi ad menses integros; sed mensis torus reputetur Apostolicus. Lott. n. 64. adeoque verba illa regulæ: *tum demum, & non ante*: referantur ad mensem illum alternum Episcopi, v. g. ad Aprilem, dum eam acceptavit in Februario. At demum, ut comprehendat quoque alios casus aperte ac generaliter, n. 80. affirmat, pro usu alternativa non sufficiere presentiam Episcopi in Diocesi tempore vacationis; sed exigere residentiam continuam, eò quod, si admittatur sufficere solum momentaneam residentiam, tota hujus regulæ ratio, quam ex eo q. *præced*, *dedimus*, deficit, & aperitur omnimoda via fraudibus. Atque ita, ubi Episcopus tempore vacationis praesens, non tamen praesens ab initio mensis fuit, mensem ab initio fuisse, & deinceps ad finem manere affectum Papæ, & nequaquam intrare pro Episcopo alternativam; sicutque perpetuè tenuisse Rotam, quidquid in contrarium reluctentur Garc. & Gonz. quorum rationes, aliaque similes cum eorum tota auctoritate in hoc puncto rejecit in Papiensi beneficii, 10. Aprilis Anno 17. ut ait Lott. a. n. 87. ubi etiam n. 89. quod ratio à Gonz. & Garc. adducant nihil valeat; cum vinculum reservationis incertum sit a principio mensis, illum totum tanquam unum aliquod integrale pervadat; adeoque que quodcumque in eo vacat beneficium, dicatur Papæ reservatum, & sic inspecte tempore vacationis optimè dicatur iurare reservatio. Quin imo in casu, dum Episcopus tam ab initio mensis, quam tempore vacationis fuit praesens, verum ante vacationem ad modicum tempus abscessit, ut vel hinc minus Integra videri possit residentia. Etii Lott. n. 89. & 90. dicat esse plus difficultatis, eò quod mensis iste non intraverit tanquam Apostolicus, sed tanquam ordinarius; & vel hinc cessare videatur ratio, cui maximè innixa Rota in illa Pavenrinæ & Papiensi, ita etiam, ut Rota nihil in casu hoc, votis Dominorum semper a qualibus, resolverit; quin & positio ne habita 25. Maii 1628. jussit causam concordari. Ipse tamen inhærens sua sententia n. 92. affirmit, Episcopum in tali casu non posse frui alternativa, eò quod vis reflectionis resulteret ex interpolatione residentie, cuius actus retrotrahitur ad mensis initium ubi hanc ipsam regulam, dum, ut ait n. 94. & seq. omnino respicitur residentia illa civilis, exigiturque omnino naturalis vera & continua (ut Rota respondit in regul. beneficii. 24. Maii 1604. in quo casu duraverat absentia Episcopi per horas 39. & causa erat honestissima) adeo, ut beneficium illud alternativa cesseret, subintrèque effectus reservationis, ut Episcopus abcedit, quamvis brevissimo tempore: nec obtendi possit, ut Lott. n. 102. excusatio ab æquitate & honestate causa, cum hac considerari nequeat in præjudicium juris acquisiti alteri, & jam ex precedente pacto applicati, nimis Rom. Papæ: saperet enim id manifestam iniuritatem, dum vel sic à Papæ auferatur absque illius facto, quod

ipius est, ut id fusissimum per n. seq. probat Lott. Evidit etiam idem n. 83. inconveniens illud à Garcia & Castrop. adductum, dicendo: quod dum Episcopus ab initio mensis ad vacationem beneficij residens absque eo, quod dabatur etiam Episcopo præexistens aliqua causa remigrandi post collationem factam ad alium locum, illud conferens, conferat validè, eti post factam collationem à residentia recedat; eò quod provisio hac fuit facta de tempore habili, ex quo vere & personaliter residebat, non debeat retractari; licet enim facultas conferendi in futurum dependeat ab illa continua & integrali residentia; validitas tamen jam facta collationis ab illa non dependet amplius, sed simpliciter à statu, in quo res erat de tempore actu.

7. Respondeo quartò, videri residentiam debere esse cum animo permanendi in ea, ita ut Episcopus, qui ut plurimum non residet in suo Episcopatu, sed ad tempus, non cum animo permanendi, sed rediundi, non gaudent alternativâ in beneficis vacantiibus, cum residet. Sic tener Card. de Luca de benef. d. 93. n. 17. ubi, quod residentia non tantum requiritur corpore, sed etiam animo, quod scilicet de tempore, quo contingit vacatio, Episcopus residet animo residendi, & suum munus impleat secus autem sit, & non fruatur alternativâ, si solitus non residere, quamvis ex justa causa publici muneris, casualiter reperiatur in Diocesi, citò recessurus. Idque à fortiori, ubi residentia esset affectata; quia nimis Episcopus eo tempore solitus non residere, in vicinia moram trahens, & videntis vacationis imminentiam, se ad Diocesim conferret. Idem expressius tenuisse Rotam, fas est refert Garc. n. 699. & 70. Lot. loc. cit. n. 82. ubi quod, si Episcopus non tantum tempore vacationis, sed ab initio mensis praesens usque ad vacationem, quin & post eam continuam residentiam usque ad finem mensis, non præsumatur tameu in eo animus per rotum mensam ibi morandi ob necessitatem illi injectam alio migrandi ex munere antea suscepit, quod personalem exigit residentiam, non possit pro illo mense frui alternativâ, eò quod talis nequeat censeri residens, dum is non dicitur esse in loco, quem corpore occupat, dum mente & animo abest, qualiter talis Episcopus mente abest, dum præexistit causa remigrandi in locum, in quo consuevit perpetuam habere residentiam. Nihilominus Garc. n. 701. ait, salvâ pace & reverentiâ tanti tribunalis, nempe Rotæ (quam tamen n. 702. dicit cœpisse inclinari in suam sententiam) quâ quoque unicè se retineri dicit Gonz. quod minus liberè & intrepide secum sentiat, contrarium sibi videri verius. Idemque cum Garc. tenet Castrop. n. 8. eò quod regula iolum requirat residentiam veram aequalē tempore vacationis absque distinctione & consideratione animi; cum sic inducuntur adhuc Episcopi ad residendum amplius, quam alias residerent, & quod, qui residet, licet habeat animum remigrandi aliò, nec residat de ordinario, quo tunc vere residet. Cui non obstat, quod dictis Rotæ decisio dicatur, censerit aliquem residere, ubi continuè moratur, non ubi casualiter & ad tempus adest; cum id in proprio & per quandam fictionem dicatur, prout indicant verba censerit, videtur, habetur juxta Mand. ad reg. de annali. q. 87. n. 1. Nav. conf. 8. n. 6. de Cler. non resid. reguli autem non contentetur residentia facta, adeoque, sicut Episcopus, qui casualiter & ad tempus abest, cum animo redeundi, non gaudent alternativâ de illo tempore abficiat, ita econtra Episcopum, qui casualiter ad-

est,

est, & verè personaliter residet, etiam cum animo redeundialiò, pro tunc gaudet alternativâ.

R. Respondeo quinto, debere esse hanc residetiam veram in ipsâ Diœcœsi formaliter, ita ut non sufficiat esse præsentem in loco vicinissimo, etiam ex legitima causa, & citò reversurum; cùm rò apud, quo utitur regula, non significet hic prope, sed in vel intra Diœcœsim. Castrop, loc. cit., n. 2, citans Barb. de pot. Ep. alleg. 53. n. 54. Quin & probabilius non sufficiet, Episcopum morari in loco exempto intra suam Diœcœsim contento; cùm locus talis exempli, et si materialiter & quod ad situm sit de Diœcœsi, formaliter tamen, hoc est, quod ad gubernationem & jurisdictionem sit extra Diœcœsim: residencia autem in Diœcœsi ea de causâ exigatur in alternativa, ut Episcopus tanquam Pastor oves proprias suis legibus & statutis regat, illisque affixat, quod in tali loco non potest; et si forte in aliquibus casibus de raro contingentibus, ibidem posset exercere jurisdictionem, dum interim leges frequenter contingentia, & modum ordinarium provident respiquant. Garc. n. 704. Castrop. loc. cit., n. 10, contra Corrad. in pr. benef. l. 3. c. 6. num. 17. item contra Gonz. gl. 43. q. 7. n. 180. apud Garc. quamvis uterque admittat, procedere sententiam Gonz. seu posse Episcopum frui alternativâ, si Episcopo ad exercendam suam jurisdictionem in tali aliquo casu extraordinario existente in tali loco exempto, vacaret beneficium in ejus Diœcœsi; è contra sufficere, etiam dum Episcopus residet in loco sua Diœcœsis, seu sua jurisdictioni contentiose subiecto, contento tamen intra aliam Diœcœsim, censet Castrop. loc. cit. n. 11. citans Garciam; cùd quod talis residendo in loco, in quo jurisdictionem ordinariam exercere potest, verè residet in sua Diœcœsi, quod ipsum, & non plus requiritur ad fruendum alternativâ, esto, quod de ceterò residendo in tali loco remoto, adeoque incommodo, unde reliqua gubernetur Diœcœsis, non satisfaceret obligationi residencie officii pastoralis impositâ, de qua Trid. Jeff. 23. c. 1.

Questio 573. An provisus ab Ordinario, fundans se in alternativa, obligationem habeat probandi inter cetera hanc veram & personalem residentiam Episcopi tempore vacationis beneficii?

R. Respondeo affirmative. Garc. n. 502. & seq. testans sic sè à Rotâ refolutum. Gonz. gl. 43. n. 92. Castrop. loc. cit. n. 12. Card. de Luca. de benef. d. 93. n. 19, nam licet ex eo, quod Episcopus in sua Diœcœsi teneatur existere ratione muneric sui, & nemo presumendus sit à sua obligatione deficere, sed potius ei satisfacere, presumi debeat Episcopum in Diœcœsi sua residere; quia ibi qui quis presumitur residere, ubi residentia obligationem habet, ut Menoch. de presumpt. lib. 6. presumpt. 16. n. 4. Mase. de prob. concl. s. n. 5. Tiraq. in l. canubial. gl. 8. n. 3. quia tamen jus non presumit, absolute Episcopum semper & quolibet momento temporis verè & personaliter residere; cum potius supponat plures causas urgentes & excusantes à residencia; quin & per menses aliquor concedat abesse, communisque talis residentia non sufficiat ad usum alternativa, sed requiratur vera & actualis eo tempore, quo vacavit beneficium, meritò hæc residentia necessariò probanda est. Castrop. ibid. Dat etiam hanc rationem positivam Card. de Luca loc. cit. dicens: onus probandi negativam residentia non incumbere provi-

so Apostolico; sed onus probandi affirmativam in cumbere proviso ab Ordinario, etiam mensis, qui alias esset Apostolicus, & per alternativam factus est Ordinarius, cùd quod provisus Apostolicus ratione vacationis in mense regulariter Apostolico habeat intentionem fundatam in regulâ, quam allegare sufficit; provisus autem ab Ordinario institutus limitationi, quæ in dubio non praesumitur, sed est probanda, & quoties limitatio resultat ex aliqua qualitate seu conditione, ista etiam qualitas probanda sit; adeoque, cùm non solum alternativa acceptata faciat, ut mensis Apostolicus efficiatur ordinarius, sed requiratur insuper qualitas seu conditione residentia, hac probanda est per eum, qui se fundat in limitatione ista qualificata. Castrop, tamen fatetur non semper requiri exactam talis residentia probationem, sed sufficere aliqualem, g. si plenè probaretur, tempore proximè antecedente vacationem, Episcopum resedisse; cùd quod non praesumatur tunc mutatio residentia.

Questio 574. Qualis requiratur acceptatio, & in qua forma ea facienda?

R. Respondeo primò, acceptatio hac libera esse deber, & ideo nemo invitus eam acceptans tenetur; cùm sit gratia & beneficium, quod invito non datur. I. invito, ff. de reg. juru. prout multi Episcopi, ut ait Chok. hic gl. 21. n. 1. eam non acceptant propter onera præsertim residentia. Garc. p. 56. l. 11. 483. citans Gonz. gl. 58. à n. 1. Chok. loc. cit.

2. Respondeo secundo, debere eam fieri iuxta formam præscriptam in hac ipsa regula, quæ est de substantia hujus acceptationis; liquidem regula hac suum fert in fine decretum irritans, quod quodad omnes regula partes formam inducit. Corrad. l. 3. c. 6. n. 19, & inducta ad evitandas fraudes, quæ per Ordinarios committi possent in usu alternativa. Garc. n. 498. ex Fusco de visit. l. 2. c. 28. n. 32. Unde licet nemo præter Papam possit quicquam adversus hujusmodi decretum irritans attentare, adeoque nec formam per illud inducere, etiam in minimo, immutare, aut ei detrahere. Corrad. n. 20. Nihilominus nil vetat, quod minus in hoc negotio acceptationis, & ejusdem recognitionis, Datarius seu Prodatarius, & ad quem spectat, nomine Papa hanc acceptationem recipere & recognoscere, aliquid ex hujus formâ rigore remittat, utpote qui ad hoc remittendum non censetur moveri, nisi ex voluntate Papæ, cuius ipse personam & vices in his beneficialibus amplissimas gerit, & cuius ipse, ut Gonz. apud Garc. n. 496. Caſſador. Caſſar. de Graffis apud Corrad. loc. cit. organum estmentis & vocis, ac proinde, si Datarius admitteret acceptationem alterativâ, non servatâ omnino dictâ formâ, utique valerer, & de ejus ad hoc facultate minimè dubitandum, ut Corrad. loc. cit. n. 24. Garc. cit. n. 496. citans Rot. in Salman. fructuum. 3. Januarii 1587. Unde etiam inferit Corrad. n. 24. quod si ex gratia omitti potest aliquid ex præscripta regula, multò magis id admitti debet, dum quandoque ipsa vix, aut omnino servari nequit. Inferit etiam cit. n. 24. quod perperam agant Episcopi, qui postquam ex gratia Datarii alternativam acceptârunt, non servatâ in omnibus formâ regula quod ad hoc, dein occurrente vacatione beneficij in mense vigore dictâ alternativâ alternato & Papâ reservato, qui alias esset unus ex 4 mensibus ordinariis, idem beneficium conferunt, prætextu nullitatis acceptationis alternativa, & recognitionis. Porro formulas in ius acceptationis alterna-

tive secundum præscriptum hujus regulæ conceptas vide apud eundem Corrad. num. 18. & Fusc. loc. cit. num. 3.

3. Respondeo tertio : in specie , fieri debere hanc acceptationem Primò per literas patentes (hoc est, apertas non continentis sigillum , clausulam seu ligaturam talem, sine cuius lachione aperiri & legi possint. Castrop. loc. cit. §. 4. nu. 2. Chok. loc. cit. num. 30.) Garc. num. 488. ex Gonz. gl. 59. juxta text. hujus regulae.

4. Secundò debent ha literæ patentes subsignari seu subscribi manu propriâ Episcopi acceptantis, aliâs acceptatio non tenebit. Garc. num. 489. ex Gonz. gl. 60. juxta text. regulae, subscribebas enim approbat omnia contenta in scripturâ , proinde ac si totam scripsisset. Chok. juxta §. 1. in *institut. de empt. & vend.* Quod si tamen Episcopus acceptans omnino impeditus infirmitate aut aliâ occasione , ut nequidem cum adjutorio alterius manus subscribere valeat , sufficit, alium ejus loco subscribere, v. g. Vicarium ejus generale. Castrop. loc. cit. Corrad. loc. cit. num. 26. juxta l. *divus. de in integ. res. & Baldum in rub. C. de fide instrum.* ubi : dum pro forma requiritur subscriptio propria manus, imminente necessitate tenet subscriptio facta manu alienâ. Addit etiam Castrop. loc. cit. probabile esse, quod sufficiat, literas has propriâ manu Episcopi scriptas esse sine subscriptione , dum in ipsa scriptura dicatur manu propriâ subscriptio esse ; ed quod hæc descriptio expressa subscriptiōi aequaleat, præterim in causâ favorabili, qualis est hæc causa alternativa.

5. Tertiò debent ha literæ munitæ esse proprio Episcopi acceptantis sigillo. Castrop. loc. cit. Gonz. gl. 61. Garc. num. 490. juxta textum regulae , ut pote quod, ut Chok. juxta Bald. in l. *contractus. nu. 5. de fide inst.* perfectionem actus denotet ; perinde autem est , an munita sint sigillo Episcopi parvo, an magno. Castrop. loc. cit. Chok. loc. cit. n. 7. Præter quam subscriptionem & sigillationem opus non est adhibitione & appositione testium , aut interventu vel subscriptione Notarii, cum nihil de hoc in regulâ. Garc. num. 491. Gonz. gl. 61. nu. 24. Castrop. loc. cit.

6. Quarto debent hæc, nempe subscriptio illa & signatio fieri in civitate vel Diœcesi propria Episcopi acceptantis, ut habet regula. Castrop. loc. cit. Garc. num. 492. Gonz. gl. 62. Quod ipsum est contra juris communis dispositionem ; cum Episcopos extra suam Diœcesi possit alias hujusmodi actus , seu jurisdictionem voluntariam exercere, beneficiâque conferre. Garc. loc. cit. Chok. nu. 8. & 9. Posse tamen Episcopum has literas dicto modo expedire, seu alternativam acceptare in loco exempto sua Diœcesis, tenet Corrad loc. cit. nu. 16.

7. Quintò tenetur Episcopus dictas literas transmittere ad Datarium. Garc. num. 494. Gonz. gl. 63; juxta textum reg. perinde autem est, an per nuncium speciale , an per ordinarium ; cum nuncius non acceptet , sed acceptationem deferat, & de modo transmissionis nihil sit in regulâ. Castrop. loc. cit. Chok. num. 10. satisque est , has literas ad Agentem in Curia mittere , ut is eas præsentet Datario ; cum etiam ex tali transmissione resulteret mandatum, ut Chok. num. 11. ex Gonz. gl. 63.

8. Sextò pro complemento acceptationis alternativa debent istiusmodi literæ ab episcopo transmissa ad Datarium ab eodem receptæ & recognitæ esse. Gonz. gl. 64. Garc. num. 494. juxta textum

regulae ; ut nimurum constet , num omnes supradictæ conditiones in his servata (cum omnes ea pro forma sint requisita , & cuiuslibet illarum defectus totum rescriptum vitiet) num literæ sint integræ, non cancellatae , & absque ulla rasura , aut falso suspicione : & hinc hanc recognitionem exactè facit, & facere tenetur Datarius. Corrad. loc. cit. nu. 26. Castrop. loc. cit. ubi etiam de modo faciendi hanc recognitionem , nimurum per testes ex parte episcopi, seu illius , qui literas defert Datario productos, qui deponere debent, illâ effi subscriptionem & sigillum illius episcopi acceptantis, & sic fieri, nimurum, ut summarie examinaretur duo testes super recognitionem subscriptionis & sigilli ad maiorem cautelam, ait Corrad. quâ tamen diligentia opus non est , ubi ex aliis instrumentis & literis sigillum & subscriptio episcopi satis cognita sunt. Castrop. loc. cit. et de hac recognitione fidem facere solet Datarius sub authographo aut subscriptione. Castrop. ibid. Chok. cit. gl. 20. num. 11. cuius formulam vide apud Corrad. num. 27. Atque his peractis, opus non hodieum expeditione literarum, ut dictum supra, cum hodie per hanc ipsam regulam, tanquam legem generalem , concedatur gratia alternativa.

Quæstio 575. Num valeat acceptatio alternativa facta ab Episcopo tempore , quo excommunicatus est ?

R Espondeo Garc. num. 487. valere , non secus, Rac valet acceptatio beneficii ab excommunicato facta; citat pro hoc Gonz. gl. 58. nu. 26. Quibus obstat non videretur, quod tradit Lott. l. 2. q. 41. n. 15. impossibile esse, ut in Episcopo excommunicato sit alternativa; cum eo ipso, quod excommunicatur deficiatur iure conferendi , ed quod aequiparetur prælatus excommunicatus mortuo. Intelligendum enim id videretur de usu alternativa, sicut de usu protestatis conferendi ; vide eundem.

Quæstio 576. An, & qualiter acceptatio hæc alternativa probanda est ?

1. R Espondeo ad primum ; cum non presuma tur, quod alternativa sit acceptata ; quia acceptatio hæc est quid facta, ut & omnes solennitates in regula assignatae , factum autem non presumitur, nisi probetur, probanda erit à fundante se in alternativa illius acceptatio. Garc. n. 449. & Gonz. gl. 62. n. 28. Castrop. loc. cit. n. 8.

2. Respondeo ad secundum: probabitur autem per fidem Datarii, aut ipsum librum Datariae , ubi tales acceptationes describuntur. Auctores iidem. Card. de Luca de benef. d. 93. nu. 2. ubi etiam, quod acceptatio annotata in libro Datariae sit probatio, quæ sola, alii neglectis, attenditur. Et si liber iste reperiiri nequeat , probari etiam posse hanc acceptationem per testes , deponentes de quasi possessione conferendi in mensibus concessis vi alternativa, tradunt ibid. Garc & Castrop. ex Germon. de indulitis Card. §. volumus. num. 27. & 32. & juxta decis. Rotæ in Asturicen. Archidiaconatus. 3. Decemb. 1571. quin & Roma satis probatur per fidem Notarii, quod sic in libro Datariae ; cum ad talem librum sit facilis recursus. Garc. num. 500. sic deci sum dicens à Rotæ in Cauriensi præsum. 9. Junij. 1592.

* *

Quæstio

Quæstio 577. A quo tempore incipiat alternativa habere effectum?

1. Respondeo ex ipso momento recognitionis factæ Romæ, etiam ante notitiam hujus recognitionis, de quo tamen paulò post, Castrop. loc. cit. Chok. Card. de Luca. de benef. d. 93. num. 2. juxta textum hujus regulæ; licet enim concessio illa alternativa sit quidam contractus involvens etiam permutationem (intelligens mensum) initus ex simultaneo Papæ & Ordinarii consensu; ed ipso tamen, quod Ordinario presentante in Dataria alternativam, ejusque descriptio sit in libro, resultare dicitur Papæ consensus, perficiens hunc contractum, ita explicatum per Datarium, qui, ut dictum est Papæ organum, & ad dictum effectum legitimus procurator. Card. de Luca, ibid. n. 3. & hoc rationabiliter, ut ait de Luca num. 2. quia ubi absens dat mandatum ad contrahendum cum altero existente in diverso loco, eò ipso, quod alterius consensus sequitur, ita fieri dicitur consensuum conjunctio perficiens contractum. Intelligenda hæc tamen, ut recte monet Corrad. num. 29. juxta dicta à nobis supra, quamvis recognitio non fuerit facta in aliqua parte mensis, qui jam erat Apostolicus; sic enim, cùm jam fuissest jus quæsumum Papæ in illo mense, non poterit Ordinarius vi alternativa, etiam si sciret eam acceptatam & recognitam, beneficium tunc vacans conferre. Porro ne effectus instantaneæ istius operationis alternativa damnosus esse posset Ordinario; dum nimis, si acceptatio fiat in mense Apostolico, hic non definat esse Apostolicus, & si fiat in mense alijs Ordinario jam cœpto, hic etiam perseveret esse Apostolicus in sententia Lotterii & Card. de Luca recte monet Idem Card. loc. cit. num. 9. & 10. quod agentes & procuratores Ordinariorum in hoc debeant esse cauti, ut dicta acceptatio fiat tempore congruo, quale erit, v. g. in fine mensis Apostolici, v. g. in Januario.

Quæstio 578. Num igitur ante notitiam Romæ acceptata & recognita acceptationis alternativa, Episcopus posset validè & licite uti alternativa: vel etiam 4. mensibus alias citra alternativam ordinariis?

1. Respondeo ad primum affirmativè: nimis rum posse Episcopum validè uti alternativam, antequam dicta recognitionis habeat notitiam s. eò quod, ut manifestè indicat Regula, alternativa competit Episcopo à puncto recognitionis cum effectu, ut dictum. Castrop. cit. p. 23. §. 3. num. 4. Corrad. loc. cit. num. 28. qui etiam ait; proinde necessarium non esse, quod tantum temporis effluxerit, ut talis notitia potuerit ad Episcopum verisimiliter pervenire. Garc. num. 764. Card. de Luca. num. 7. &c. Atque ita si ultima Januarii facta hæc recognitio, poterit Episcopus prima Februarii vacans beneficium conferre. Unde jam etiam sequitur, quod si dicta recognitio contingat in mense, qui celsante alternativam solet esse Ordinarii, v. g. in Martio, statim ille mensis definat esse ordinarius, & efficiatur Apostolicus. Corrad. num. 30. Sequitur item, cessare statim 4. mensis Ordinarii, & Episcopum (qua erat tercia pars quest.) eti ignoreti recognitionem jam factam, invalidè conferre in illis vacans beneficium. Garc. num. 764. Sed neque his obstat, quod objici solet: nimis quod alter-

nativa concessio sit beneficium, & gratia, qua firma non est, quousque notitiam illius habetas. Bartol. in l. fin. ff. de confit. principum; quodque per alternativam concedatur Episcopis potestas disponendi de beneficiis reservatis; potestas autem & jurisdictione de beneficiis disponendi effectum non habet ante notitiam, ut Mand. ad reg. 32. q. 25. n. 5. apud Castrop. loc. cit. n. 3. nam si alternativa est solùm remoto reservationis, quâ remotâ, ordinariâ potestate jure concessâ providerit beneficium, jam habet Ordinarius notitiam hujus potestatis ordinariae, vi cuius providerit beneficium, est que certus de fundamento sua provisio, esto, recognitionem illam, per quam ultimè tanquam conditionem istud obstaculum removetur, ignore, quod sufficit. Si autem alternativa concedit ipsam facultatem providenti tali mente, jam eriam, cum hæc facultas non concedatur per recognitionem literarum illarum acceptantium, sed per legem, nimis per hanc regulam, sub conditione tamen ipsius recognitionis, talis Ordinarius habet notitiam istius potestatis, esto, notitiam illius conditionis non habeat. Castrop. n. 7. Garc. n. 768. citans pro se Mand. ad reg. 27. q. 16. Felin. in c. suscitatis, de script. n. 12. &c. Additum que, quod, licet concedatur, gratiam alternativa esse privilegium, adhuc tamen non requiratur dicta notitia, ex quod per procuratorem, seu nuncium acceptatur, seu potius exhibetur acceptatio Episcopi, esto, alias privilegium non operetur, seu habeat effectum, antequam innoteſcat privilegiato; citat pro hoc Sylv. v. privileg. q. 16. Rodriq. qq. reg. tom. I. q. 7. 4. 6. Azor. à n. 30. Porro datio, quod Episcopus providerere non possit validè in mense alternato via alternativa ante habitam dictam notitiam, habita tamen dicta notitia, posse illum nihilominus providerere beneficia, quæ vacassent in mense alternato post acceptatam Romæ alternativam, licet tempore vacationis non habuissent notitiam acceptationis; quia, esto, ante dictam notitiam non haberet exercitium juris alternativa, haberet tamen illud habitu, sicuti dicitur de Judice delegato ante receptionem literarum; tradit idem Garc. n. 771. quod ipsum, iraddit, sufficeret, ut statim, ac acceptata est Romæ alternativa, cesserent 4. mensis ordinarii.

2. Respondeo ad secundum: licet tamen non potest uti alternativa, dum nescit, utrum Romæ recognitæ sint litera sua, vel eriam, uti Castrop. n. 5. quamdiu ex conjecturis moraliter de eo non constat, licet, ut Garc. n. 774. secundum tempus episcopum esse posset, quod litera Roma sint recepta & recognitæ. Garc. n. 777. Castrop. loc. cit. quia, cum certus talis sit de lege reservationis, ab illa se eximere non potest. Castrop. ibid. Et conferendo in isto casu Ordinarius se exponit periculo usurpandi proviñonem ad Papam privative spectantem ratione reservationis, & faciendo intrusum in beneficio, adeoque peccandi mortali; & econtra expectando certiorationem, nulli se exponit periculo; quin & jus ei maner integrum, si verum, quod paulò ante dictum ex eodem Garcia; posse illum nihilominus conferre post acceptam dictam notitiam vacantia ante illam post recognitas literas. Garc. n. 775. Proinde ubi Ordinarius verisimiliter præsumit, Romæ factam dictam recognitionem, poterit beneficium vacans providerere sub conditione, nimis si de facto Romæ facta illa recognitio, quæ tamen collatio habebit effectum, si vera fuit conditio, secus si falsa, intermixta tamen præsumit.

visus capere non poterit possessionem , quousque constiterit , conditionem appositam veram esse ob periculum intrusionis , ac ita Ordinarius cavere debet in literis provisionis . Castrop. loc. cit. num. 6 . Garc. num. 777. & 779. qui etiam n. 778. addit. sic quoque Episcopum probabilitate dubitante , num Roma facta dicta recognitio , non posse licite providere de beneficiis vacantibus in mense Martii vel Septembr. (qui alias , seclusa alternativa , competebant Ordinario vi regulæ reservatoria 8. mensium) nisi sub dicta conditione .

Questio 579. Num Episcopus duarum Diœcesis acceptando alternativam pro una , censetur aut teneatur hoc ipso etiam acceptare pro altera ?

Respondeo negativè ; expedire enim potest , ut acceptet pro una , & non pro altera . Card. de Luca. de benef. d. 19. n. 5. ubi , quod id ipsum procedat , etiam ista Diœceses essent unitæ principaliiter , & citar pro hoc Gonz. gl. 58. num. 22. & dicit , sic absolute supponi in Casaraug. beneficii , apud Garc. n. 706.

Questio 580. An , & qualiter missis jam literis , sed nondum factâ dictâ recognitione Roma , vel etiam eâ jam factâ possit Ordinarius paenitere , & se ad jus commune reducere ?

Respondeo ad primum : ante factam recognitionem à Datario certum est , quod possit Ordinarius paenitere , & poenitendo declinare alternativam ; cum ante illam ei nihil adhuc concessionem sit , sed is procuret , ut concedatur ; adeò que desistere potest à procuratione . Castrop. cit. p. 23. §. 4. n. 11. ex Gonz. gl. 63. à n. 22. Verum tenetur tunc Ordinarius monere nuncium , vel ipsum Datarium de hac paenitentia , ne litera missa , & jam revocata , adeò que nulla recognoscantur & approbentur , & sic Papa irrideatur : quin & in suis provisioribus derimentum patiatur ; cum satis probabile sit , ex vi revocationis , etiam non intimata , cessare acceptationem factam . Castrop. loc. cit. verum circa hoc

2. Respondeo secundò : si antequam nuncius vel Datarius moneatur de hac paenitentia Ordinarii , Datarius literas ab eo missas recognoscat & approbet , probabiliter recognitio & approbatio est valida , non obstante revocatione non intimata ; ed quod juxta textum Clem. 1. de renunciatione . cessio beneficii teneat , quousque hac cessio fuerit intimata , ut illusio & variatio in personis ecclesiasticis viretur . Adeò que jam verum non est , quod factâ revocatione acceptatio non intimata , non sit amplius acceptatio ; cum acceptatio firma perficiat , neq; valeat cum effectu revocari ab acceptante , quousque is revocationem notificet . Castrop. ibid. n. 12. ex Gonz. loc. cit. n. 48.

3. Respondeo tertio : postquam literæ dictæ acceptatio sunt à Datario & approbatæ , revocari non potest acceptatio cum effectu sine scitu & consensu Pontificis ; cum enim , ut dictum , ista concessio involvat contractum initum ex mutuo consensu Papæ & Ordinarii , hinc resultat , quod sola declaratio Ordinarii declarantis , nolle se amplius uti alternativam jam acceptatam , non sufficiat , cum distractus exigat eundem simultaneum consensum ,

P. Leuren , Fori Benef. Tom. II.

qui in contractu requisitus erat . C. de Luc. de benef. 93. n. 3. citans Gonz. gl. 58. n. 14. Mand. conf. 18. n. 8. Put. decif. 88. l. 3. item Corrad. l. 3. c. 6. num. 10. & 12. Sed neq; tenerur Papa renunciationem hanc admittere , sed eam rejicere potest , si causa legitima illius non proponatur . Castrop. loc. cit. §. 5. n. 3. solet nihilominus quandoq; hujusmodi renunciationem admittere . Corrad. loc. cit. n. 11. ubi etiam hujus rei praxi ponit ex Gouz. gl. 58. n. 23. quod nimirum , postquam Papæ porrectus est libellus duplex , illum ad Datarium remittit , qui illius nomine aut admittere aut rejicere solet ; prout sibi bene visum ob causas in libello expresas . Et tunc nihil aliud agitur , quam quod acceptatio semel facta cancelletur & cassetur de libro Dataria , & in margine cassatio acceptationis cum anno , mense , die , annotatur . Castrop. loc. cit. §. 5. n. 33.

4. Respondeo quartò : neque etiam iadiret Ordinarius , absentando se à Diœcesi sua , potest revocare acceptationem alternativæ sine consensu Papæ ; per seiam enim absentiam Episcopi non resolvitur alternativa in prajudicium Papæ ; sed solum inducitur simplex suspicio in prajudicium Episcopi . Lott. l. 2. q. 41. n. 47. citans Rot. in Faventina Canonicius , 16. Decemb. 1585. Quamvis tamen in isto casu pro resolutione alternativa sufficiat consensus implicitus Papæ , ut , si ipse conferat contra usum alternativæ : ubi enim consensus requiritur , non minus tacitus , quam expressus attenditur juxta Decium conf. 31. n. 4. & Surd. conf. 35. n. 16. Lott. n. 48. & 49. Ac propterea , si post acceptatam alternativam doceretur , non tantum Episcopum contulisse jure suo ordinario in suis 4. mensibus , sed etiam Papam in suis 8. utique contractus hic censeretur contrario consensu resolutus ; eò quod Papa videbatur approbasse recessum Episcopi . Lott. num. 50. & 51. citans pro hoc decif. Rot. in Paduana Prioratu . 18. Maij 1611. In qua tamen dictum , ut Lott. n. 52. gratiam alternativæ pendere ex consensu Papæ , non ex scriptura acceptationis , quæ exigitur , ut inde probetur factum acceptationis . Adeò quod econtra necessarium non est , ut contrarius consensus , Papæ nimurum , quo in dictam dissolutionem alternativæ consentit , per scripturam justificetur ; nam neque scriptura est necessaria pro recessu à contractu celebrato in scriptis , nisi scriptura fuerit exhibita pro forma contractus , eò quod contraheentes à principio noluerint aliter valere contractum , quam si in scriptis fieret . Lott. n. 53. & 54.

Questio 581. Ad quæ beneficia se extendat alternativa ?

1. Respondeo primò in genere , videnda esse , quæ dicta sunt supra ad primam partem hujus regulæ , in quæt. quænam beneficia cadant sub reservatione mensium ; ad eadem enim extendit se alternativa , exceptis solum iis , quæ non sunt liberæ collationis . Chok. hic gl. 16. n. 1. hinc

2. Respondeo secundò : extendere se illam ad omnia beneficia , sive sint cum cura , sive absque cura ; sive regularia , sive facultaria , qualitercumque qualificata &c. quæ alias reservata non sunt , & ad liberam ipsorum Episcoporum dispositionem spectant ; qualia sunt , quæ Episcopi absque alterius dispositione , electione , præsentatione , consilio , consensu vel interventu providere possunt , seu quorum propositio à solius Episcopi voluntate de-

X. pender.

pendet. Castrop. loc. cit. §. 3. num. 1. Chok. loc. cit. Garc. p. 5. c. 1. n. 475. Gonz. gl. 45. n. 10. Et quælia adhuc censentur in ordine ad effectum alternativa, quæ Episcopus tenetur ex fundatione vel statuto, aut aliunde conferre certo generi personarum, v. g. filiis familiæ, personis de certo Collegio. Card. de Luc. cit. d. 93. n. 5. Garc. nu. 476. citans Gonz. ubi ante. n. 19. Put. decis. 162. l. 2. Item beneficia curata & parochialia, et si conferenda sint dignioribus & per concursum. Garc. ibid. citans Gonz. ubi ante. n. 22. & sic resolutum dicens à Rota in Abul parochialis. in his enim ex parte Episcopi libera est collatio; cum solus conferat sine consilio, interventu, præsentatione aliorum, & licet in cui dando non sit absolute potestas Episcopi, id tamen non est considerabile ad effectum hujus regulæ, de hoc nihil dicentes. Garc. ibid. ex Gonz. loc. cit. Lott. l. 2. q. 40. n. 123. Item ad ea, ad quæ præsentatio seu electio competit soli Episcopo; siquidem prima beneficij dispositio, quæ attenditur, libera est, & alia ex illa necessariò sequitur. Castrop. loc. cit. Garc. n. 733. Atque ita, dum Episcopus ratione dignitatis sui habet jus præsentandi ad aliquod beneficium, habebit in eο locum alternativa, non obstante, quod institutio spectet ad alium. Garc. n. 734. idem est in electione, v. g. cum electio persona in pœnitentiariū spectat ad solum Episcopum, quomodounque illa consideretur, intrabit in ea alternativa, quamvis persona electa facienda sit collatio ab Episcopo & Capitulo, vel à solo Capitulo. Garc. n. 735. Et hæc procedunt, sive Episcopus gaudet alternativâ, etiamsi beneficia, ad quæ præsentare, vel eligere, vel etiam quæ conferre habet Episcopus, sita sunt in aliena Diocesi. Garc. cit. n. 734. & 705. citans pro hoc num. 706. Gonz. gl. 10. n. 4. & Rot. decis. aliquot.

3. Econtra ad liberam Episcopi dispositionem non spectabunt, adeoque in iis locum non habebit alternativa: primò, ad quæ præsentare, vel quæ conferre non potest sine consilio alterius; tò liberæ enim denotat potestatem faciendi actum suā sponte, & irrequisita alterius voluntate, juxta c. 1. de re script. & ibi. gl. Chok. hic gl. 17. n. 2. idque etiam, licet dictum consilium sequi non reneatur. Gonz. gl. 46. nu. 35. Multoque minùs, dum eget alterius consensu, utpote quod minorem libertatem importat; cum majoris effectus sit consensus quam consilium; quia consilium sufficit petere, & sequi non est necesse. Chok. ibidem. cum Gonz. gl. 47. & 48. ubi fūsè hanc materiam consensū & consilii tractat.

4. Secundò: ea, circa quæ disponere nequit sine interventu seu præsentia alterius, v. g. Capituli, ut habet textus Reg. Interventus vero hic, seu præsentia importat scientiam & intelligentiam, non tamen consilium vel consensum. Unde si statutum vel alia quæpiam dispositio prohibet fieri actum sine interventu alterius, satis erit illius præsentia, etiamsi non consentiat, vel consultat illum actum fieri. Neque ab eo petendum consilium vel consensus, ut Bald. in L. nam ita Divus. de adopt. Chok. loc. cit. n. 4. non tamen propterea frustra erit talis præfentia, quod hoc adhuc commodi ex ea oriatur, quod actus majore cum deliberatione, maturitate, utilitate, fraudis etiam & dolis exclusione expeditur, ut Tiraq. de l. conubial. gl. 6. n. 32. Chok. n. 5. Circa quæ illud observandum: quod si illi, qui consentire, consulere, intervenire habent, nolint ista subire, poterunt compelli, adiri que Superior, qui

illis mandet; quibus rursus recusantibus, Superior consentieret, interveniretque vel alius ex illius mandato. Chok. nu. 6. citans Lamb. de jurep. l. 1. p. 2. q. 1. a. 20. per tot.

5. Tertiò: excluduntur ab alternativa etiam ea, utpote non libera adhuc collationis, in quorū provisione citra consilium, consensum, præsentia alterius necesse est intervenire quoconque alio modo ministerium alicujus, vel iussus Superioris, aliisve modis, quos obiter proponit Gonz. gl. 49. Chok. loc. cit. n. 7. Quamvis tamen adhuc liberam in ordine ad effectum alternativæ collationem illam esse dicat Lott. l. 2. q. 40. n. 122. ubi ex statuto Ecclesiæ, aut jure singulari aliquo teneretur Episcopus conferre sub testimonio duorum vel trium, quod testimonium minimè habet vim consilii aut assensus; citat pro hoc decis. Rot. 600. p. 2. Recent. Cum ii, ut ibi dicitur, sint verius restes bona vel mala collationis, quam participes.

6. Denique, ne beneficium dici possit libera collationis in ordine ad dictum effectum, impedit consuetudo oprandi. Card. Luca. cit. d. 93. n. 6. In his itaque beneficii non libera collationis locum non habet alternativa, sed de his provideri deberit in 4. mensibus ordinariis Martio, Junio, Septembri, Decembri, perinde ac si alternativa acceptata aut concessa nou esset. Pirk. loc. cit. Chok. hic gl. 16. n. 2. citans Monet. de opt. c. 3. q. 3. n. 88. & Gonz. gl. 45. Porro observandum in his, non tam proprietatem, quam possessionem spectari, ita ut, si quis sit in quasi possessione præsentandi, consentendi, consultandi, assistendi, aliamve actionem ad provisionem requisitam efficiendi, etiamsi quod ad proprietatem legitimo jure careat, id sufficiat, ut beneficium non dicatur libera collationis; sicut è contra, dum Episcopus est in possessione conferendi liberè, eti careat quod ad hoc proprietate, beneficium dicatur collationis libera; quia in jure conferendi attenditur potius possestio, quam proprietas; juxta c. olim. & c. cum Ecclesia. de causa possest. & prop. Castrop. loc. cit. p. 23. §. 3. num. 10. Garc. n. 478. Gonz. gl. 45. §. 3.

Quæstio 582. Ulterius magis adhuc in specie, an & qualiter se extendat alternativa ad beneficia, quæ spectant ad simultaneam collationem Episcopi & Capituli, dum convenit inter illos de collatione facienda per turnos, quod jura permittunt. cap. ult. de præb. in 6. Clem. 2. de jurep.

1. Respondeo primò: dum divisio facta est per vices, hoc est, ut una vice provideat Episcopus, altera vice Capitulum, alternativa intrat ex parte Episcopi, sive Episcopus gaudet alternativâ, & vi illius providebit, dum nimis beneficium vacat mensa alternata, & tempore vacationis est turnus Episcopi. Castrop. cit. §. 3. num. 3. Garc. à num. 707. Gonz. gl. 45. n. 1. n. 13. sic sapientia Rota decisum referentes; in eo enim casu, esto, quod jus radicale conferendi commune sit Episcopo & Capitulo, facta tamen concordia seu dicta divisione, quod ad exercitium & usum, qui attenditur, divisum est, ita ut integrè & in solidum unicuique competat in suo turno absque ullo alterius interventu; & sic Episcopus jure proprio, & non communis liberè conferit in suo turno sine interventu Capituli. Castrop. loc. cit. Garc. nu. 709. idipsum quoque plures à Rota decisum referens. Econtra amē,

tamen, cām Capitulo non suffragetur alternativa, utpote non concessa inferioribus Collatoribus, sed solis Episcopis, si vacatio contigerit in mense alterno Ordinario, v.g. in Februario, & sit turnus Capituli, Capitulum providere non potest, sed Papa, utpote cui tunc reservatum tale beneficium; cūn tunc non sit de libera collatione Episcopi, sed alterius. Providet etiam poterit Capitulum, si beneficii vacatio contigerit in 4. mensibus ordinariis Martio, Junio &c. & simul tunc sit turnus Capituli. Castrop. *ibid.* Idem est, dum divisio facta per choros seu latera, ita ut beneficia sedentium ex choro dextero, seu dextera parte chori pertineant ad Episcopum, sedentium ex sinistro ad Capitulum. Castrop. *ibid.* n. 4. citans Gonz. *ubi ante.* n. 36. Garc. n. 710. Idem quoque est, dum divisio facta per annos, Castrop. n. 6. Garc. n. 714. Gonz. n. 55.

2. Respondeo secundò, si divisio facta per mensas, ita ut unus mensis competat Episcopo, alter capitulo, cūn divisio solum fieri possit circa 4. illos mensas citra alternativam ordinarios, Martium, Junium, Septemb. Decembrem, cūn reliqui sint reservati vi prima partis regula, ut alternativa intret, & eā gaudere possit Episcopus, nec esset ei in hac divisione assignari debent Martius & Septembre, dum loco illorum Papa vi alternativa concessa cedat ei 4. alios, nempe Februarium, Aprilium, Augustum, Octobrem, in quibus vacantia beneficia tunc poterit providere vi alternativa, & turni sibi competentis: nam si ei in divisione assignaretur Junius & December, cūn hi menses non permittentur, sed sint fixi, Episcopus frui nequirit alternativa, ne alias Capitulum perderet omnino provisionem sibi competentem; quia perderet eam promensibus Martii & Septemb. utpote qui per alternativam reservantur Papæ. Ita Castrop. *loc. cit.* num. 5. citans Gonz. *ubi ante.* num. 38. quibus non video qualiter obstant, quæ habet Garc. num. 712, & ob quæ negat, in hoc casu alternativam habere locum: quod nimur, dum Papa pro duabus illis mensibus Martio & Septembri sibi cessis ab Episcopo vi alternativa concessa dat duplex, nimur 4. mensas, adeoque non servetur proportio.

3. Respondeo tertio: si divisio facta per hebdomades aut dies, alternativa etiam respectu Episcopi locum non habet; cūn hæc turni divisio repugnet divisioni alternativa, utpote quæ facta est per mensas, dum una eadémque hebdomada quandoque participet utroque mensa, Ordinario & Apostolico. Garc. n. 713. Castrop. n. 7. Gonz. *ubi ante.* n. 49. possitque etiam hebdomada & dies utriusque, nempe Capituli & Ordinarii occurtere in uno eodemque mense.

4. Porro observandum hīc primò: quod dictum de intrante alternativa, dum simultanea collatio divisa est inter Capitulum & Episcopum, id quoque locum habeat, dum sola electio, nominatio, præsentatio persona divisa est, & collatio remanet simultanea seu communis, ut contingit in aliquibus Ecclesiis. Garc. n. 715. qui etiam in *seq.* idem esse dicit, in jure præsentandi communii Episcopo ratione dignitatis intellige cum patronis Ecclesiasticis; beneficia enim juris mixti, ubi Episcopus est unus ex compatronis, non cadent sub alternativa; quia non cadunt sub reservatione prima partis regula per concordiam tamen divisi, ita ut Episcopus tunc quod ad turnum suum possit frui alternativa quo ad præsentandum.

P. Leuren, Fori Benef. Tom. II.

2. Secundò observandum, hæc omnia de intrante alternativa ex parte Episcopi, ubi facta est divisio dicta per turnos, etiam post acceptationem alternativæ, vel tempore, quo de hac acceptatione tractabatur, procedere adhuc, etiam si dicta concordia seu divisio facta non fuerit confirmata auctoritate Apostolica, tradunt Castrop. *loc. cit.* n. 8. Garc. n. 726. non obstante præjudicio, quod ia hoc videtur fieri sedi Apostolice, dum hac ratione beneficia, quæ ante dictam concordiam erant simultaneæ collationis, adeoque, utpote non libera collationis, conferri non poterant, nisi in 4. mensibus ordinariis, jam per dictam concordiam, seu divisionem turnorum evadant libera collationis, utpote in quibus solis alternativa locum habet, & consequenter libera à reservatione regulæ reservatoria 8. mensum; quia eò ipso, quod permisum est in jure communi facere hujusmodi concordiam seu divisionem, Episcopus & Capitulum utuntur jure suo, adeoque non committunt in eo fraudem, esto, per accidens inde resulteret dictum præjudicium Sedis Apostolicae, & derogatio dictæ reservationis; quia illud præjudicium venit in consequentiam, & sic non attenditur, *si quis nec causam aff. si certum purat.* & ibi Jason. n. 3. & Prob. ad Monach. in c. in illis n. ult. de preb. in 6. Addit etiam Garc. n. 727, adhuc intrare alternativam, etiam si concordia dicta confirmata esset per Sedem Apostolicam cum clausulis: reservationibus Apostolicis, & sine earum præjudicio; cūn clausula illa non ponatur ad tollendam alternativam, sed ad præservandas reservationes Apostolicas, sive 8. sive 6. mensum, & alias: ita ut per tales confirmationem non detur jus in reservatis, & sic per illam clausulam potius exprimatur id, quod de jure ineft.

6. Observandum denique quod ait Pirh. de *prob.* n. 356. quod cum collatio canoniciatum in Cathedralibus in mensibus 6. ordinariis seu non pontificiis, ex consuetudine vel privilegio, aut alio speciali jure spectat ad eadem Capitula, & nullatenus ad Episcopum, quo adhac beneficia alternativa vix locum habeat, et si Episcopi apud suas Ecclesias resideant.

Quæstio 583. Quandonam cesset gratia alternativa citra abusum illius?

1. Respondeo in sequentibus. Primò per translationem Episcopi ad alium Episcopatum, ita ut si velit etiam pro illo Episcopatu, ad quem transfertur, uti alternativa, debeat de novo pro eo Episcopatu eam acceptare; cūn prior acceptatio solum fuerit pro Episcopatu dimisso, nec etiam fieri possit acceptatio pro Episcopatu futuro. Card. de Luca de benef. d. 93. n. 22. Castrop. p. 23. §. 5. n. 1. Garc. n. 484. citantes Gonz. gl. 58. & n. 18.

2. Secundò per mortem Papæ, vel Episcopi eam acceptantis, ita ut non transeat ad successorem. Card. de Luca. *loc. cit.* n. 21. Chok. *hic gl. 21.* n. 1. Castrop. *loc. cit.* n. 2. citans Gonz. *ubi ante.* n. 17. & Nav. cons. 31. n. 2. de *prob.* cum enim alternativa sit quidam personalis contractus & mutua obligatio inter Papam & Episcopum, quolibet eorum pereunte, extinguitur. Castrop. *ibid.* Item morte Papæ cessant regulæ Cancelleriae, & jus Ordinariorum revertitur ad terminos juris communis. Castrop. *ibid.* Card. de Luca de benef. d. 16. n. 8. & d. 31. n. 4. & §. ubi dicit, id esse absolutum principium beneficiale. Garc. n. 643. & 644. ubi etiam ait, idem esse, dum Papam renun-

ciaret Papatui; cum talis renuncians quod ad hoc habeatur pro mortuo, & mors civilis aequiparetur naturali, citat pro hoc Aen. de Falc. q. 5. §. 1. n. 8. Paris. conf. 19. a. n. 9. l. 4. Mand. ad reg. 30. q. 7. n. 14.

3. Tertiò per renunciationem illius, si ea à Papa acceptetur, de quo dictum paulò supra. Castrop. loc. cit. n. 2. An autem Episcopus, qui post acceptationem alternativam obtinuit indultum à Sede Apostolicâ, ut possit conferre beneficia vacantia in omnibus mensibus, per tale indultum censeatur renunciare alternativa, dubitatur; negat id probabilitus Gonz. gl. 53. ex num. 43. Caputaq. decis. 309. p. 1. Germon. deindult. Card. §. volumus. n. 11. apud Garc. n. 737. qui iis consentire videatur; eò quod alternativa non sit incompatibilis cum indulto conferendi in omnibus mensibus.

Questio 584. An, & qualiter amittatur alternativa per abusum illius?

1. Respondeo primum: censi abusum, & amitti alternativam, si Episcopus se intromiserit in provisionem beneficiorum, quæ per hanc regulam vel alias Sedi Apostolicae reservata sunt (vel etiam affecta). Corrad. in pr. benef. l. 3. c. 6. num. 32. & alii passim) aut eorum provisioni impedimentum quoquo modo praefiterit, ne debitum effectum consequatur; sic habet text. reg. Per qua verba duplex abusus indicatur. Lott. l. 2. q. 41. a. n. 2. Chok. hic gl. 20. n. 2. Primus in sinuatus istis verbis regulariter intromiserit: consistens nimirum in eo, quod Episcopus de facto attenter conferre vacantia in mensibus Apostolicis, vel alias quomodo libet reservata, in quo casu videtur simpliciter abuti privilegio, indeque ingratitudinis notari. Alter istis verbis: aut impedimentum praefiterit: dum nimirum ntitur impeditum effectum gratia Apostolicae, quod secundum licet minus frequens videbitur posset, cum Episcopus, qui non contulit, raro se opponat provisionibus Apostolicis, gravius tamen, ut ait Lott. n. 3. implicat delictum, & est scelus sceleri addere, ut Lott. n. 7. quod credo intelligit, dum & ipse Episcopus contulit reservatum, & insuper factam de eo provisionem Apostolicam ntitur impeditum. Ad hunc secundum abusum spectat, velle de substantia ipsius gratia cognoscere, dum ipsi Episcopo est demandata executio; cum de judicio Sedis Apostolicae velle judicare, praefacta sit audacia, juxta c. 2. de confirm. utili vel inutili. Lott. n. 7. & 8. Item hoc spectat, ad quod etiam potissimum respxisse videtur regula, dum executio alteri mandata est, & hanc impedit Episcopus, in quo adhuc gravius delinquit. Lott. n. 11. Hanc quoque penam amissionis alternativa intrare, dum Episcopus se intromitteret scienter in provisione beneficiorum, non quidem reservatorum, jure tamen præventionis provisorum, sive valide sive invalidè; eò quod licet ea alias reservata non sint, per appositionem tamen manus Papæ manent affecta, & sic intret privatio regula, quæ loquitur de beneficiis reservatis vel affectis. Garc. n. 761. Non tamen intrabit haec pena, dum Episcopus scienter se intromittit in provisione beneficiorum litigiosi contra c. 1. & 2. ut lite pendente, in c. eò quod beneficialitatio non sint reservata, licet durante lite prohibetur Ordinarius ea conferre; regula autem solum privat alternativam intromittentes se in provisione reservatorum, vel affectorum, quæ pena non est extendenda. Garc. n. 760.

2. Porro limitanda est responsio, ita ut, si Episcopus contraveniret, & violaret alternativam ex propposito, & datâ operâ in fraudem ad eximendum se ab alternativa, de cuius acceptatione formam eum penitebat, licet statim amittat alternativam quod ad se, & in sui damnum, non tamem quod ad Papam; quia fraus & dolus nemini patrocinari debet, nisi Papa talem renunciationem acceptasset. Garc. n. 750.

Questio 585. An Episcopus propter talem contraventionem vel abusum non solum privetur alternativa, sed & 4. mensibus ordinariis, nimirum Martio, Iunio, Septemb. Decemb.

Respondeo negativè; sed statim Episcopus restituitur, seu reddit ad 4. illos suos menses, & Papa ad 8. prout prius ante acceptationem alternativa. Chok. hic gl. 20. n. 6. citans Mand. conf. 21. nu. 1. & Anton. Augustinus in suo repertorio. verbo alternativa. Corrad. l. 3. c. 6. nu. 40. Garc. nu. 746. & 749. ex Gonz. gl. 66. n. 149. Addit tamen Garc. quod, ut Episcopus in hoc casu gaudeat dictis 4. mensibus ordinariis, necesse sit, certiore facere Papam seu Datarium de ammissione alternativa, vel ei coram illis renunciate, nisi alias Papa ammissionem acceptasset expressè & dispositivè.

Questio 586. Num dicta pena incurritur ipso jure absque omni sententia?

1. Respondeo: videtur probabilius, quod in his casibus ipso jure, mox à commissione delicto gratiā & usu alternativa destitutus existat, ac si nunquam eam habuisset, ac consequenter provisiones prætextu illius deinceps facienda sint nullæ. Corrad. l. 3. c. 6. n. 34. (ubi eriam quod non tantum privatus sit jure conferendi, sed & quasi possessione, & hoc ipsum significatur per id ipsa) Garc. nu. 738. citans plures Rota. decis. Chok. cit. gl. 20. a. n. 3. citans Gonz. gl. 56. n. 119. vel ut eum citat Lott. n. 29. Lott. loc. cit. n. 12. & seq. contra Castrop. qui tenet, requirit ad minimum sententiam declaratoriam delicti, & usque ad illam per talem validè conferri beneficia sibi alias vi alternativa competititia; ne si id in penam delicti non possit, etiam ante dictam sententiam cogeretur penam promeritam ipsi in se exequi. Ratio responsionis desumitur ex illis verbis regulæ: eo ipso: quæ important privationem à lege ipso jure & latæ sententiæ abfique ministerio alio, juxta Gl. in c. quam sit. v. eo ipso. de elect. in c. Chok. & Lott. II. cit. Et poena imposta ipso jure seu ipso facto, quæ consistunt in onere, privatione, & non requirunt actionem seu executionem positivam, qualis est poena, de qua hic, statim incurruuntur absque alia executione & sententia, juxta c. Rudolphus. de re scriptis. Garc. nu. 744. & 748. & ex eo Chok. cit. n. 4. Lott. loc. cit. n. 30. & seq. ubi n. 31. quod neque ullæ opus sit intimatio facta Episcopo, qui delictum; cum is non possit ignorare aut factum, quod ab ipso processit, aut dispositionem juris, & consequenter se amississe privilegium; sive factum consistat in mero simplici abusu (generaliter siquidem statutum, privilegium ei non prodesse, qui eo abutitur. l. nullus. l. Iudeos. c. de Iudeis. Surd. decis. 307. num. 9.) sive ipsum factum consistat in cibis è diametro contrariis, & cum ipso privilegio incompa-

compatibilibus, quo casu censeretur eidem privilegio renunciatum: Atque ita intimatio non debet fieri scienti, ubi ea ad alium finem non requiriatur, quam notificandi. Lott. n. 36. citans Menochi, cons. 1004. num. 6. Tiraq. de retract. consang. §. 36. gl. 2. num. 30. &c. Quin etiam addit Garc. cit. n. 748. quod hæc procedant, sive contraventio Episcopi sit notoria sive non; adeoque verum non esse, quod tradit Gonz. nimurum quod, quando contraventio Episcopi non est ita notoria & clara, ut nullæ tergiversatione possit celari aut controverti, necessaria sit judicialis declaratio, citato & auditio Episcopo; ed quod licet privatio induceretur ipso jure per hanc regulam, nihil minus requiratur sententia declaratoria præviâ summaria cause cognitione de contraventione. Quamvis admittat Garc. quod ubi agitur de beneficio, debeat contraventio Episcopi & amissio alternativa concludenter probari per eum, qui se in eâ fundat, & consequenter Iudex super ea judicare, saltem tacite. Addit etiam Corrad. l. 3. c. 6. n. 34. quod eti opus non sit declaratione ad pœnam amissionis incurrendam, negari tamen non posse, quin collationes facta contra formam hujus regulæ, & per abusum alternativæ, quandoque per Papam invalidæ & irrita declararentur, ut ostendit Gregor. XIII. in Archiepiscopo Hispal.

2. Verumtamen etiam responsio nostra limitanda est primo, ut non procedat, ubi Episcopus contraveniens habuisset justam seu coloratam causam ignorantia vel excusationis ad providendum de beneficiis reservatis. Chok. gl. 20. num. 5. citans Gonz. gl. 56. num. 128. & dicens, id illum variis modis exemplificare, Garc. num. 738. & 752. ubi, quod dum se Episcopus introumittit in provisionis beneficiorum reservatorum Papæ propter ignorantiam reservationis, ea ignorantia eum præservet ab amissione alternativæ, si fuerit ignorantia probabilis facti, ut quia v. g. ignorabat, defunctum fuisse officiale Papæ, aut familiarem Cardinalis, vel quia veritatem litera credidit, defunctum in longinquis partibus decepsisse in suo mense; quia de hoc fama erat: vel quia putabat, Sedem Apostolicam vacare. citat pro hoc Gonz. gl. 56. num. 128. Corrad. l. 3. c. 6. num. 38. Idem eti dicit Garc. si reservatio esset secreta & particularis, cuius datur iusta ignorantia. Quod si tamen talis ab initio justificans, postquam postmodum certus factus fuit de reservatione, & quod nullatenus providere potuerit, procedat ad ulteriore effectum sua provisionis, v. g. mittendo provisum à se in professionem, amittit eo ipso alternativam; ed quod jam scienter impedimentum praestet, ne provisio apostolica effectum sequatur. Garc. n. 756. & 757. ex Gonz. gl. 56. num. 141. At tamen Garc. cit. n. 757. sibi non placere alterum, quod ibid. tradit Gonz. nimurum tali modo talem amittere alternativam, ubi post acceptam notitiam talem à se provisum & missum in possessionem non curaverat quantum in se est, à possessione tali removere, ut ea vacua maneat, & ne provisio Apostolicus in ea capienda impedimentum habeat. At si ignorantia sit juris, v. g. quia ignorabat, reservationem in jure, aut in regulis Cancell. & constitutionibus Apostolicis contentam, amittit alternativam, saltem in foro exteriori; quia ignorantia juris non excusat, nisi sit ignorantia juris dubii, & obscuri, cuius error est probabilis & justus, & equiparatur errori facti juxta Bellamer. de permut. p. 11. q. 4.

Garc. num. 753. Secus tamen etiam est in foro conscientia, ubi Episcopus ex ignorantia juris se intromisit, sincere tamen & bona fide, & dum non impugnantur provisiones per tales vigore alternativa facta. Garc. num. 754. cui non obstat, quod ignorantia juris non dubii non excusat, etiam in conscientia a devolutione, ut Rota; quia devolutio inducitur, non delictum, sed ob negligentiam, quæ etiam dari videtur in ignorantia jus. Garc. num. 755.

Quæstio 587. An saltem ad hoc, ut re ipsa incursa censetur hac pœna amissionis alternativæ, requiratur intimatio desuper facta Papa, euſdemque declaratio seu acceptatio illius amissionis, ut hac amissio fortiori effectum, cum Papa possit interessere, alternativam in Episcopo conservari, inductaque sit hec privatio alternativæ, non tantum in ordinum Episcopi, sed & in favorem Papa; ea autem, quæ in favorem alicuius annullantur, effectum non habeant, quoisque ipse annuat irritationi, ut pluribus exemplificat Gonz. gl. 56. n. 40. apud Castrop.

1. Respondeo negativè. Castrop. cit. §. 3. n. 7. Garc. 746. & 747. citantes Gonz. gl. 56. n. 124. Corrad. p. benef. l. 3. c. 6. n. 34. Lott. l. 2. q. 41. à num. 14. Papa enim per ipsam hanc regulam satis declarat intentionem & voluntatem suam, ut Episcopus eo ipso, quod abusus fuerit alternativæ, & privatus existat, unde cum jam habeamus claram, expressam, & indubitatem, fructu exigitur nova declaratio. Castrop. Garc. l. c. Additique recte Castrop. hujus contrarium esse, nimirum contentum illius, in cuius favorem à lege fit annullatio, dum is à legislatore distinctus est, cum tunc nullius consensus per legem non exprimatur. Addit etiam Garc. nunquam auditum, talem declarationem Papæ aliter factam fuisse, quam per regulam ipsam, esseque valde absurdum, imponere Papaæ hoc maximum onus declarandi de novo in specie cui libet Episcopo contravenienti, quod per legem generalem & expressam jam omnibus declaravit: maxime, cum eo ipso, quod Episcopus acceptavit alternativam cum conditionibus & gravaminibus in ea contentis, jam habuerit plenissimam notitiam de intentione & declaratione Papæ, séque ipsum subdiderit pœna absque alia nova declarazione. Cenit nihilominus Castrop. loc. cit. num. 8. Episcopum sic amitterem alternativam obligatum esse, Pontificem vel ejus Datarium monere de ammissione, ne alias Papa illudatur, & jus ei quæsum derogetur, dum is inscius amissionis hujus, non provideret in mensibus aleternatis Episcopibus, & econtra provideret in mensibus Martii & Septemb. putans sibi competere. Unde ait talis Episcopum non monenter non posse in mensibus Martii & Septemb. alias ordinariis providerere. Idem tenet Garc. num. 749. Quin & dum Episcopus datâ operâ abusus fuisse alternativæ, & hinc eam quod ad se, ut dictum supra, amitteret, adhuc opus esse certiorare Papam in ordine ad effectum amissionis, & ut Ordinarius providerere posset in 4. his mensibus, satis indicat Garc. num. 750. Nec sufficere certiorationem de violatione, nisi etiam fieret mentio de fraude & animo, quæ facta est, & nihilominus Papa eam acceptaret.

2. De cetero recte ex his infertur, provisiones à tali Episcopo factas vi alternativa post eum abusum statim ante omnem Papæ acceptationem & scientiam de contraventione, & hinc securâ amissione, esse nullas, perinde, ac si Episcopus nunquam acceptasset alternativam. Neque verum, quod tradunt Felin. in C. de quarto. de prescrip. num. 33. Navar. in Man. c. 23. n. 104. Goniz. gl. 56. num. 124, alioque apud Garc. num. 745. provisiones interim vigore alternativæ factas, esse in pendentia, ita ut Papæ acceptante postea amissionem, censeantur nullæ à principio; collatio siquidem est actus legitimus, qui non debet esse in pendentia, nec vagari in incerto, juxta c. 2. de elect. junctâ gl. Gar. cit. num. 745.

Questio 588. Qualiter subveniatur tali Episcopo, qui amisit alternativam per abusum, si eam iterum habere velit. Item provisio ab illo?

Respondeo ad primum, debere illum accurtere ad Papam narrando, qualiter, cum haberet alternativam acceptatam, eam amiserit per contraventionem, & petendo eam iterum sibi concedi de & ex gratia speciali. Garc. cit. p. 5. c. 1. n. 751. Corrad. l. 3. c. 6. n. 4.

2. Respondeo ad secundum, taliter provisio dandam novam provisionem, si ita Papæ placuerit, cum annulatione possessionis capta, attento decreto irritante hujus regulæ, quod inficit titulū & possessionem, adeò, ut sic nulliter possidentes nequeant ut aliquo ex remedii possessionis, nec in summiſſimo manuentionis, in quo solent excepciones admitti. Corrad. in pr. benef. loc. cit.

Questio 589. Num præter reservationes contentas in corpore juris & regulis his Cancelleretur reservationes quorundam aliorum beneficiorum?

Respondeo: præter illas nullas esse alias generales, seu per legem sanctitas, nisi quæ apponuntur in pœnam alicuius delicti. Castrop. loc. cit. p. 24. num. 1. Sic primò ob crimen heresis vacat ipso iure beneficium, & Papæ reservatur ex constit. Pii V. cum ex Apostolatus. datâ 6. Calen. Feb. 1566. Secundò ob crimen Simonia vacat & reservatur ex Constit. Pauli III. Sanctissimus, quod fortius procedit in Simonia confidentiali, ob quam non solum beneficium sic obtentum, sed etiam omnia illa, quæ confidientarius obtinebat tempore commissi delicti, reservantur; juxta Constit. Paul. IV. Romanus. Pii V. Intolerabilis. Tertiò beneficia parochialia, in quorum collatione servata non fuit forma præscripta à Trid. reservantur ex Constit. Pii V. Quarto reservantur beneficia ob non factam publicationem resignationum juxta formam præscriptam in Constit. Gregor. XIII. Humano. &c. Quintò beneficia offendentes litigantes in Curia Rom. & eorum Juges, Advocatos, Notarios, testes, Procuratores, ex Constit. Alexan. VI. In eminentia. Sextò beneficia collata personis inhabilibus ex aliquo privilegio à Papa concessio, vel ex instituto à Sede Apostolica confirmato, v. g. si esset statutum excludens à beneficiis descendentes ex sanguine infecto, vel ex condemnato heresis, & tali conferretur beneficium, nulla esset provisio, & beneficium maneret Papæ reservatum, ut habetur in Constit. Gre-

gor. XIII. in Ecclesia, datâ Idibus Novemb. 1580. Se- ptimò beneficia eorum, qui seipso pro aliis examinandos supponunt, vel pro consequendis beneficiis annuas pensiones offerunt, aut beneficia impetrant pro aliis, ut ab eis aliquid consequantur: vel quando pro se ipsis impetrant beneficia, cum intentione illa resignandi, ut habetur in Constit. Paul. IV. Inter cetera, datâ 27. Novemb. 1557. Octavo beneficia ob non delationem habitus clericalis, juxta Extrav. Sixti V. quæ est 92. in Bullario. Denique beneficia quæ Cardinales vi tuorum indultorum contulerunt, si ipsi beneficiati citramontani intra 4. menses, ultramontani intra 8. novas provisiones à Sede Apostolica non obtinuerint, literasque Apostolicas non expedierint; quia sic in indulvis Cardinalium habetur. Ita ferè Castrop. l. cit. ubi in reg. addit, horum beneficiorum vacationem, quia est in pœnam delicti commissi, locum non habere, quoque delictum declaretur, & quod censura, utpote medicinales pena, absque ulla declaratione Judicis contrahantur, reliqua pena, etiam privativa, hanc declarationem prærequirant, qua declaratio retrotrahitur à punto commissi delicti citat se ipsum in tr. de LL.

PARAGRAPHVS IX.

De Reservationibus factis per Concordata Germaniae.

Questio 590. Unde hoc concordata?

Respondeo: ob dissidentes diro inter se schismatis Germania principes (dum eorum alii Concilio Basileensi, quod Eugenius IV. auctoritate sua dissolverat, & Antipapa Felici adhærarent; alii cum Friderico III. Imperatore neutrius partes sequentes, neque Eugenii, neque Fel. cis, dicivolebant neutrales) rebus in Germania, & inter cetera quoque quod ad beneficiorum provisiones turbatissimis: dum ut ait Bzovius ad annum 1444. Collatores ordinarii ea pro arbitrio suo providebant. Capta desuper quoque tractari concordia, missis ab Eugenio Francofurtum legatis Anno 1446. (cui conventioni quinam præter Imperatoris legatos interfuerint Germania principes, tum Ecclesiastici, tum sacerdotes vide apud Nicolart. in proem. ad Concord. Germ.) eaque inita, & compositionis hujus Concordata ab eodè Eugenio in Consistorio approbata, edita desuper paulò ante obtutum constitutione. Ac denique quæ ad beneficiorum provisiones à Nicol. V. ejus successore plenè certoque modo confirmata anno 1448. per Bullam, quæ incipit: *Ad sacram Petri Sædem. & ponitur in Bullario prima inter constitutiones ejusdem Papæ. Nicolart. loc. cit. Pirh. de præb. num. 357. Engels tit. eod. num. 4.* Eorundem deinceps Concordatorum observantia variorum, tum Pontificum constitutionibus, tum Imperatorum diplomatis reborata, puta, Pii II. de data 1458. 13. calen. Febr. Sixti IV. de data 1479. Maximil. I. de data 1518. 11. Jul. qua distincte mandat, ea sedulo observari per districtum Leodiensem, ubi forte dicta observantia nonnulli violata. Caroli V. de anno 1554. 9. Febr. respectu districtus Cameracensis, cum severa inhibitione, ne aliter, quam juxta hæc Concordata provisi recipiantur, sed ut intrusi rejiciantur. Niccolari.